

Abonnement pour un an

300 piastres

Edition spéciale. 500 ptrs.

Adresse :

"Idjtihad," Constantinople

Téléph. st. 865

XXII ème ANNÉE

1927, 15 Avril No 226

اجتهاد

IDJTIHAD

علمی ، ادبی ، اقتصادی مجموعہ

آبونمان : سنہ لکی [۲۴ نسخہ]
تورکیا ایچون ۲ ، خارج ایچون
۳ ، اعلا کاغذلیسی ہ ایرادر .

ادارہ خانہ سی :

جفال اوغلندہ « اجتہاد ٹوی »

تلفون : استانبول ۸۶۵

یکرمی ایکسچی سنہ

نومرو ۲۲۶ - ۱۵ نیسان ۱۹۲۷

اوزه زنده قالمادیغی داهاقاطع و حجاب انکیز بیر صورتده کوستروب طورماقده در. «غزوه» لر، «سن بارتلمی» لر، اهل صلیب سفرلری، الخ. هیچ ده شیمه مرحمت و سلامت اثرلری دکدرلر. از جمله، « بنی قریظه » قبیله سنک ارککرینک قفالری کسیلوب بیرقویوه آتیلدقدن سوکره قادین و جوجوقلرینک جاریه و کوله اولاراق صاتیلمالرینک امر اولونماسی و قفالری کسیلوب خندقه آیلان سکر یوز اسیردن عمروک کنج و کوزل قیزی (ریحانه) نک نفس رسالتیناهی ایچین طرف رسالتیناهیدن تقریقی [*] بالطبع شیمه مرحمت ایله قابل تألیف کورولمز.

هر دین، مرحمت و اخوت تأسیسی ایچین کلدرد. فقط بیر انسان هانکی دینده اولاراق دوغدی ایسه او دینده قالماسنه هیچ مانع اولماق سزین و انسانه، کندیسینی دین اولاراق قبول ایتدیره بیله جک بیر ماهیتده بیر دین کورولمه مشدر. بودین آنجا که بهاء اللهک و اوغلو عبدالبهانک وعظ و تأسیس ایتدیکی دین مرحمت و محبت در. بهاء الله: «انسانلر آره سننه نجم نفاق اتمکدن، کوکلره ریب و شبهه دیکنلری دیکمکدن صاقینکیز. سلسیل صاف عشقی بولاندیراجاق، عطر عقی اوچوراجاق بیرشی یایمایکیز. حیاته قسم ایده رم، که سز عشق و محبت ایچین یا ادیلدیکیز، کین و نفرت ایچین دکل. [*]» دیورد. بوسبحانی و حقیقه رحمانی سوز، هر عصره، بالخاصه بوعصر انسانیه سویلنمه سی و تکرار ایدیله سی و روحلره دریندن درینه افقا اولونماسی الزم اولان بیر سوزدر.

شیخ سعدی ده:

بمردی، که ملک سراسر زمین
نیرزد، که خونی چکد بر زمین.

یعنی:

انسانلغه یمین ایده رم، که بوتون جهان

دکمز، که طور اغه و لایر قطره قان روان. —

دیمشدی. بین الامم و بین البشر محبتی، مرحمتی، صاحتی بر آیین حاله قویان و بونالازم کلن نور و حرارتی و یرن

[*] کتاب المختصر فی اخبار البشر؛ ابوالفدا صحیفه ۶۹

[*] عبدالبها - لوح حکمت.

مذهب بهاء الله - دینی امم

۱۴۴ نومرولو و ۱ مارت ۱۹۲۲ تاریخی (اجتهاد) ده مذهب بهاء الله - دین امم عنوانی بر مقاله تاریخیه من خلیفه و سلطان محمد وحید الله بنک اراده سیله اقامه اولونان ویش سنه سورن بر فضاحت لسانیه دعواسی احداث ایتشدی. بر جوق طرفدن بو نسخه ایسته نیلمکده در. بوتون نسخه یی طبع ایتک بیوده کلفت اولاجق. بو سببله تاریخی بر اهمیت قازانان و یکی جزا قانونلرله مزدن «فضاقت لسانیه» کیبی سوء استعماله یاخود سوء تفهمه جوق مستعد بر ماده نک طینده دولایسیله ذی تأثیر اولمش بولونان او مقاله یی حرفی حرفته عیناً بو نسخه مزه درج ایدیوروز؛ بو صورته بر جوق دوست و قارئلر مزه بو مقاله یی کورمک و اوزمانله بوزمانی مقایسه ایتک وسیله سی ویریوروز:

امین عالی بک برادر من اوج نسخه (اجتهاد) ده، اوج مقاله ایله بهائی لکک الک بارز خطوط و شمائلکی کوستردی. بن نوکون بهائی لکی داهاسریع بر نظارله کوزدن کچیره جکم و بهائی لکک خلاصه الحلاصه مابه التمز صفتی تقریر ایده جکم.

بهائی لک بیر دین مرحمت و محبت در. فقط بیر دین تعدی و خصومت اولان دین، هانکی دین در؛ دینیله سیلیر. حضرت عیسی «بیری بیریکزی. سو بکیز» دیمه دیمی، جهان محبت و صلح و عظ ایتمه دیمی؟ حضرت محمد «رحمة للعالمین» اولاراق کله دیمی و «لانتباغصوا ولا تدابروا ولا تحاسدوا و کونوا یا عباد الله اخواناً» یعنی بیری بیریکزه بغض ایتمه یکیز، بیری بیریکزک موجب ادباری اولما یکیز، بیری بیریکزه حسد ایتمه یکیز ای عباد الله، هب قارداش اولکیز دیمه مشمیدر؟ ینه بزم بویغمبر ذی شانمز «المسلم من سلم الناس من یده ولسانه» یعنی مسلمان او کی مسه در، که انسانلر اونک آلنک و دینک شرنندن امین بولونورلر دیمه مشمیدر؟ بانا دییه جکک که ینه عینی ذات دکلیدر که «قاتلوا فی سبیل الله» دیمشدر؟ اولاً:

موضوع و مؤسس اعتقاد مزجه بویبر حدیث دکل، آیه در. و «قاتلوا» اللهک سوزیدر والله «لایستل عما یفعل» در. نایاً قاتلوا کله سی آلمانلر Kaempfen sie، فرانسرلر Combattez-vous کله لریله ترجمه ایتمشلردر. یعنی «قاتلوا فی سبیل الله» دیمکله، «جاهدوا فی سبیل الله دیمک آره سندم فرق یوقدر. بونلر بویه اولماقله برابر ماقعات تاریخیه عیسویتک ده، محمدیتک ده بورحمانه پره نسیبلر

بیر مرشد، حضرت بهاء الله دن اول کور و لمه دی. حرارتی و یرن دیدم. فهم دینی ایله فهم علمی آراسنده کی فرق، داها ساده سویله یلم، علم ایله دین آره سنده فرق شودر، که علم، حرارت سز بیر نور در؛ دین، نور سز بیر حرارت در؛ علم اولسه اولسه بیر قیش کوئشی اولایلیر. هیچ ایصیتما یان اشعه سی آلتنده صوتوقدن طونوب اوله بیلیر. دیگر بیر رده ده سویله نیلمش اولدینی وجهله، حرارت دیمک عینی زمانده حرکت دیمک درده. محرك اولماق نورک دکل، حرارتک شانی در بونکله برابر دین، علم محض اولماسه ده دائم موافق عقل در و بویه اولماق دینک شرط وجودی و شرط بقا سیدر. شارع اعظم مز:

«الدین هو العقل لادین لمن لاعقله»

یعنی دین عقلدر، عقلی اولمایانک دینی یوقدر. [*] دیمشدر. بهاء اللهک تأسیس، عبدالبهانک تنظیم و نشر ایستدیکی بهائی لک عقل ایله متعارض هیچ بیر فکری، هیچ بیر حکمی احتوا ایتمه مکده در. یعنی بهائیک ضیائشار بیر حرارت در. بیر حرکت مظالمه و غیر مضینه دکلدر. بوسجیه سی اوئی جهان شمول و ملل محیط بیر آیین صلح و محبت اولمایه دوغرو کوتور مکده در. مرحمت و اخوت تعلیم ایدن بیر پیامبر حق، تدهیشمز، سلا حسمز اولاراق کشور قلوبده کی فتوحانی اکمال ایدر و پیغمبر اولدیفنی هیچ ادعا ایتمه دیکی حالد یوکسک روحلر عالنده اک بوبوک مشعله حق و علا اولان بوبوک بیر یوروکک دیدیکی کی:

«زخها برداشتیم و فتحها کردیم ولیک

هرگز از خون کسی رنگین نشدمیدان ما» [*]

دیه بیلیر. عالمله رحمة اولاراق، دنیایه کونده ریلنلرک ویا کلنلرک شانلرنده اولدورولمک واردر؛ فقط اولدورولمک اصلا! اونلر:

«سو، یان، عشق و محبت یولنده اول، یاز موسمنک سما سی کیی یورکک آتشله، کوزلرک یاشله طولو اولسون!

سندھ یکی بیر حیات محبتکار باشلا سین، سندھ کی سرور و آلمی آر تیر اراق، بویوته رک انسانیتده کندی وجود معظم کی گور، انسانیتک امیدلرینی، نشئه لری، کوز یاشلرینی بنسه!

بیر رابط، اصلا قیر یلماسی لازم نازک و صمدانی بیر رابط، اولان مرحمت، سنی کافه موجودات ایله بیرلشدیریر، سبیلرینی داها ای آکلا یاراق کنه ای معذور کور و بوسه سی، روحک، محزونلره کوتورسون.

هر کسده مسعود اولماق آرزو سنی تصدیق و تسلیم ایدره ک و فاعلنرند ا کثریا اجدادلرینک کنه ای کوره رک اونلر ایچین بر رافت شفیق و محبتکار، حکیم، محبت نعمت لری بوتون مخلوقات تو زیع ایدر [*].

دیرلر و اویله ده یاپارلر.

«لما تقولون لا تفعلون» یعنی یایماد قمر کزی، یایلماسی لازم کلن شیلر دیه نیچین سویله یورسکمز؟ استنطاق نه اصلا معروض اولمازلر.

«موم اشک ریزدر: طامله طامله جوهر حیاتی آقیتیر، تا که بو دو کدیکی یاشلرله نشر نور ایتسین. ایشته بو سزک ایچین بیر مثال امثال، بیر تمثال اولمالیدر» دییه ن عبدالبها حقیقه بیر مشعله کی یانمش، بیکلرجه مشعله لر ایقادی تدی کدن سو کره باشقه جهانلرده ینه یانمایه کیتمش در.

حیات و کائنات آسوده در آغوش نورنده

دکل دین خصومت دین دین محبتدر؛

لسان وجدیدر اشعارض وجدان نوحیدک

روان عود مزده تیره دین قلب طبیعتدر،

قطعه سندھ عبدالبهائی و بهاء اللهی تنشیط و احیا ایدن روحی ترنم ایتمشدک. فقط بوقیو یلجیمدن نه قدار حرارت و نور انتشار ایده بیلیر؟ جهانی ایصیتماق ایچین بهاء اللهک روحنده کی معظم یانغین لازمدی. تنویر ایتک و عینی زمانده ایصیتماق ایچین یانان روحانی و روحانی بیر یانغین.

۱۸ شباط ۱۹۲۲ اجتهاد نه وی

عبدالله هودت

[*] دلستی مولانا - صحیفه ۹۱، ۹۳، ۹۴

ع. ج. - فنون و فلسفه - صحیفه ۱۵۶

[*] «یارلر آلدق، فتوحات یایدق، فقط میدانمز هیچ بیر کیسه نك قانیه قیزله بویانمادی» دیمک در.